



քաղ. գործ թիվ ՀԿԴ/0018/02/22

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱԿԱԿՈՌՈՒՊՑԻՈՆ ԴԱՏԱՐԱՆ Ո Ր Ո Շ ՈՒ Մ

Երրորդ անձ ներգրավելու մասին

«01» մարտի 2024թ.

ք. Երևան

ՀՀ հակակոռուպցիոն դատարանի դատավոր Կ.Բադալյանս՝ քննելով թիվ ՀԿԴ/0018/02/22 հակակոռուպցիոն քաղաքացիական գործով երրորդ անձ ներգրավելու մասին հայցվորի, «ԷմջիԷՄ Գրուպ» ՍՊԸ-ի տնօրեն Տ.Պետրոսյանի, «Հայաստանի էքսպորտի կենտրոն» ՓԲԸ-ի տնօրեն Ռ.Մալխասյանցի ներկայացրած միջնորդությունները.

Պ Ա Ր Զ Ե Ց Ի

ՀՀ գլխավոր դատախազության ապօրինի ծագում ունեցող գույքի բռնագանձման գործերով վարչությունը (այսուհետ նաև՝ Իրավասու մարմին) 2022 թվականի մայիսի 31-ին ՀՀ գլխավոր դատախազության անունից հայցադիմում է ներկայացրել Երևան քաղաքի առաջին ատյանի ընդհանուր իրավասության դատարան ընդդեմ Վաչագան Ալեքսանդրի Ղազարյանի, Ռուզաննա Հրաչիկի Բեգլարյանի, Մհեր Վաչագանի Ղազարյանի, Արև Վաչագանի Ղազարյանի, Արամ Աշոտի Դանիելյանի՝ ապօրինի ծագում ունեցող գույքի բռնագանձման պահանջի մասին:

Երևան քաղաքի առաջին ատյանի ընդհանուր իրավասության դատարանի (դատավոր՝ Հ.Զարգարյան) 2022 թվականի հունիսի 13-ի որոշմամբ հայցադիմումն ընդունվել է վարույթ (քաղաքացիական գործ թիվ ԵԴ/27654/02/22):

Երևան քաղաքի առաջին ատյանի ընդհանուր իրավասության դատարանը (դատավոր՝ Հ.Զարգարյան) 2022 թվականի օգոստոսի 31-ին որոշում է կայացրել թիվ ԵԴ/27654/02/22 քաղաքացիական գործը ՀՀ հակակոռուպցիոն դատարանի քննությանը հանձնելու մասին:

Թիվ ԵԴ/27654/02/22 քաղաքացիական գործը ՀՀ հակակոռուպցիոն դատարանում ստացվել է 2022 թվականի սեպտեմբերի 15-ին և թիվ ՀԿԴ/0018/02/22 համարի ներքո մակագրվել է նույն դատարանի դատավոր Ա.Ղարսյանին:

ՀՀ հակակոռուպցիոն դատարանի (դատավոր՝ Ա.Ղարսյան) 2022 թվականի սեպտեմբերի 27-ի որոշմամբ հակակոռուպցիոն քաղաքացիական գործն ընդունվել է վարույթ:

02/12/2022 թվականին հայցվորի ներկայացուցիչը ներկայացրել է միջնորդություն հայցի հիմքի և առարկայի փոփոխությունը թույլատրելու վերաբերյալ, և Դատարանի 28/12/2022 թվականի որոշմամբ հայցի հիմքի և առարկայի փոփոխությունը թույլատրվել է:

Հայցվորը 16/03/2023 թվականին ներկայացրել է նոր պատասխանող ներգրավելու, հայցի և հիմքի առարկայի փոփոխությունը թույլատրելու վերաբերյալ միջնորդություն, որը Դատարանի 03/04/2023 թվականի որոշմամբ բավարարվել է, որոշում է կայացվել Իգարելլա Անդրեյի Մինասյանցին որպես նոր պատասխանող ներգրավելու և հայցի հիմքի և առարկայի փոփոխությունը թույլատրելու վերաբերյալ:

Դատավոր Ա.Ղարսյանի ժամանակավոր անաշխատունակության մեջ գտնվելու հիմքով՝ 2023 թվականի մայիսի 4-ին թիվ ՀԿԴ/0018/02/22 հակակոռուպցիոն քաղաքացիական գործը վերաբաշխվել և մակագրվել է նույն դատարանի դատավոր Կ.Բադալյանին և նույն օրը հանձնվել է դատավորի աշխատակազմին:

10/05/2023 թվականի Դատարանի որոշմամբ թիվ ՀԿԴ/0018/02/22 քաղաքացիական գործն ընդունվել է վարույթ:

08/06/2023 թվականին Դատարանը որոշում է կայացրել առանձին վարույթում առանձնացնել հայցապահանջն ընդդեմ Արև Վաչագանի Ղազարյանի՝ ապօրինի ծագում ունեցող գույքի բռնագանձման պահանջի մասով, և առանձնացված մասով գործի վարույթը կարճվել է:

22/08/2023 թվականին Դատարան է ներկայացվել դիմում ՀՀ գլխավոր դատախազի՝ ապօրինի ծագում ունեցող գույքի բռնագանձմանն ուղղված գործառույթների ոլորտը համակարգող տեղեկալ Ս. Գալյանի, ՀՀ գլխավոր դատախազության ապօրինի ծագում ունեցող գույքի բռնագանձման գործերով վարչության պետ Ս. Ամիրխանյանի, պատասխանողներ Վաչագան Ալեքսանդրի Ղազարյանի, Ռուզաննա Հրաչիկի Բեգլարյանի, Մհեր Վաչագանի Ղազարյանի, Իզաբելլա Անդրեյի Մինասյանցի՝ ապօրինի ծագում ունեցող գույքի բռնագանձման վարույթի շրջանակներում կնքվող հաշտության համաձայնությունը հաստատելու մասին:

30/08/2023 թվականին դիմումի քննության համար հրավիրված դատական նիստում դիմումի քննությունն ավարտվել է, Դատարանը որոշել է թիվ ՀԿԴ/0018/02/22 քաղաքացիական գործից առանձնացնել ՀՀ գլխավոր դատախազության ապօրինի ծագում ունեցող գույքի բռնագանձման վարչության ընդդեմ Վաչագան Ալեքսանդրի Ղազարյանի, Ռուզաննա Հրաչիկի Բեգլարյանի, Մհեր Վաչագանի Ղազարյանի, Իզաբելլա Անդրեյի Մինասյանցի՝ ապօրինի ծագում ունեցող գույքի բռնագանձման պահանջից առանձին վարույթում առանձնացնել հետևյալ գույքերի բռնագանձման պահանջի մասը՝

- ՀՀ, քաղաք Երևան, Մալաթիա-Սեբաստիա Ծովակալ Իսակովի պողոտա 23 հասցեում գտնվող 0.05 հա մակերեսով հողակտոր (կադաստրային ծածկագիր՝ 01-007-0537-0055, վկայականի համար՝ 2746746),

- ՀՀ, քաղաք Երևան, Մալաթիա-Սեբաստիա Ծովակալ Իսակովի պողոտա 25/2 հասցեում գտնվող 34.76 քմ մակերեսով հասարակական տարածք և բնակավայրերի նշանակության 2.14989 հա մակերեսով հողամաս (կադաստրային ծածկագիր՝ 01-007-0537-0041, վկայականի համար՝ 14062021-01-0326),

- ՀՀ, քաղաք Երևան, Մալաթիա-Սեբաստիա Ծովակալ Իսակովի պողոտա 25/4 հասցեում գտնվող 237.9 քմ մակերեսով հասարակական տարածք և 0.16879 հա մակերեսով բնակավայրերի նշանակության հողամաս (կադաստրային ծածկագիր՝ 01-007-0537-0099, վկայականի համար՝ 01062021-01-0148),

- ՀՀ, քաղաք Երևան, Մալաթիա-Սեբաստիա Ծ. Իսակովի պողոտա 25/3 հասցեում գտնվող 25.6 քմ մակերեսով տարածք և բնակավայրերի նշանակության 1.42609 հա մակերեսով հողամաս (կադաստրային ծածկագիր՝ 01-007-0537-0097, վկայականի համար՝ 01062021-01-0009):

Առանձնացված վարույթի մասով հաշտության համաձայնությունը հաստատելու դիմումի քննության արդյունքով դատական ակտը հրապարակվել է 31/08/2023 թվականին:

Առանձնացված մասով գործին տրվել է ՀԿԴ/0158/02/23 համարը և Դատարանի 31/08/2023 թվականի վճռով հաշտության համաձայնությունը հաստատվել է:

08/06/2023 թվականի դատական նիստի ընթացքում պատասխանողի ներկայացուցիչ Վ.Ասատրյանը ներկայացրել է միջնորդություն՝ հայցային վաղեմություն կիրառելու մասին, որը Դատարանի 26/07/2023 թվականի որոշմամբ մերժվել է:

08/11/2023 թվականի դատական նիստում պատասխանող Իզաբելլա Մինասյանցի ներկայացուցիչ, փաստաբան Ռոման Երիցյանը ներկայացրել է միջնորդություն՝ հայցային վաղեմություն կիրառելու վերաբերյալ:

Նույն դատական նիստում հայցային վաղեմություն կիրառելու միջնորդության քննությունն ավարտվել է և դատական ակտի հրապարակման օր է նշանակվել 15/11/2023 թվականը:

15/11/2023 թվականին Դատարանը որոշում է կայացրել թիվ ՀԿԴ/0018/02/22 հակակոռուպցիոն գործով ըստ հայցի ՀՀ գլխավոր դատախազության ապօրինի ծագում ունեցող գույքի բռնագանձման գործերով վարչության ընդդեմ Վաչագան Ալեքսանդրի Ղազարյանի, Ռուզաննա Հրաչիկի Բեգլարյանի, Մհեր Վաչագանի Ղազարյանի, Իզաբելլա Անդրեյի Մինասյանցի, Իզաբելլա Անդրեյի Մինասյանցի՝ ապօրինի ծագում ունեցող գույքի բռնագանձման

պահանջի մասին, առանձին վարույթում առանձնացնել հայցադիմումն ընդդեմ Իզաբելա Անդրեյի Մինասյանցի՝ ապօրինի ծագում ունեցող գույքի բռնագանձման պահանջով մասը:

Դատարանի 15/11/2023 թվականի վճռով հայցային վաղեմություն կիրառելու վերաբերյալ պատասխանող Իզաբելա Անդրեյի Մինասյանցի ներկայացուցիչ, փաստաբան Ռ.Երիցյանի միջնորդությունը բավարարվել է և ՀՀ գլխավոր դատախազության ապօրինի ծագում ունեցող գույքի բռնագանձման գործերով վարչության հայցն ընդդեմ Իզաբելա Անդրեյի Մինասյանցի՝ հոգուտ Հայաստանի Հանրապետության որպես ապօրինի ծագում ունեցող գույք՝ FORD TRANSIT 2.4 TD մակնիշի ավտոմեքենան /նույնականացման համար WF0XXXTFX8A46338/ բռնագանձելու պահանջի մասին մերժվել է:

20/12/2023 թվականին «Արմեն» ՍՊ ընկերության տնօրեն Ի.Մինասյանցի կողմից միջնորդություն է ներկայացրել դատարան՝ գործով երրորդ անձ ներգրավելու մասին, որով խնդրել է թիվ ՀԿԴ/0018/02/22 քաղաքացիական գործով «Արմեն» ՍՊ ընկերությանը ներգրավել որպես ընկերությանը որպես վեճի առարկայի նկատմամբ ինքնուրույն պահանջներ չներկայացնող երրորդ անձ, որը Դատարանի 21/12/2023 թվականի որոշմամբ բավարարվել է:

20/12/2023 թվականին տեղի ունեցած նախնական դատական նիստի ընթացքում փաստաբան Ռ.Երիցյանը միջնորդություն է ներկայացրել դատարան՝ գործով երրորդ անձ ներգրավելու մասին, որով խնդրել է թիվ ՀԿԴ/0018/02/22 քաղաքացիական գործով Իզաբելա Անդրեյի Մինասյանցին ներգրավել որպես երրորդ անձ, որը Դատարանի 21/12/2023 թվականի որոշմամբ բավարարվել է:

27/02/2024 թվականին «ԷմջիԷմ Գրուպ» ՍՊ ընկերության տնօրեն Տ.Պետրոսյանի և «Հայաստանի էքսպորտի կենտրոն» ՓԲ ընկերության տնօրեն Ռ.Մալխասյանցի կողմից Դատարան է ներկայացվել միջնորդություններ վեճի առարկայի նկատմամբ ինքնուրույն պահանջներ չներկայացնող երրորդ անձ ներգրավելու վերաբերյալ:

Միջնորդությամբ հայտնել են հետևյալը. Սույն քաղաքացիական գործով հայցվորը ի թիվս այլնի, պահանջում է պատասխանողից բռնագանձել նաև «ԷմջիԷմ Գրուպ» ՍՊԸ-ում և «Հայաստանի էքսպորտի կենտրոն» ՓԲԸ-ում վերջիններիս մասնակցությունը: Եթե սույն քաղաքացիական գործով ներկայացված հայցը բավարարվի, ապա ընկերության սեփականության իրավունքով պատկանող շարժական և անշարժ գույքերը բռնագանձվելու է, ինչն էլ իր հերթին նշանակում է, որ սույն քաղաքացիական գործով կայացվելիք դատական ակտը կարող է անխուսափելիորեն ազդել ընկերության սեփականության իրավունքի վրա, ինչն էլ իր հերթին նշանակում է, որ սույն քաղաքացիական գործով ընկերությանը պատասխանողների կողմում անհրաժեշտ է ներգրավվել որպես վեճի առարկայի նկատմամբ ինքնուրույն պահանջներ չներկայացնող երրորդ անձ:

Խնդրել են թիվ ՀԿԴ/0018/02/22 քաղաքացիական գործով ներգրավվել վեճի առարկայի նկատմամբ ինքնուրույն պահանջներ չներկայացնող երրորդ անձ պատասխանողի կողմում:

27/02/2024 թվականի դատական նիստում հայցվորը ներկայացրել է բանավոր միջնորդություն՝ «Սելենա» ՍՊԸ-ին, «Մերիման» ՍՊԸ-ին, «Էմ Կա Էդվերթայզինգ» ՍՊԸ-ին, «Էմ Կա Փրոփերթիզ» ՍՊԸ-ին, «ԷմջիՎի Գրուպ» ՍՊԸ-ին պատասխանողի կողմում վեճի առարկայի նկատմամբ ինքնուրույն պահանջներ չներկայացնող երրորդ անձ ներգրավվելու վերաբերյալ:

Հայցվորը և Պատասխանողների ներկայացուցիչները առարկություններ չներկայացրեցին միջնորդությունների վերաբերյալ:

Քննելով միջնորդությունը և ուսումնասիրելով քաղաքացիական գործի նյութերը, Դատարանը հանգում է հետևյալին.

ՀՀ քաղաքացիական դատավարության օրենսգրքի 38 հոդվածի 1-ին մասի համաձայն՝ վեճի առարկայի նկատմամբ ինքնուրույն պահանջներ չներկայացնող երրորդ անձինք կարող են գործի մեջ մտնել հայցվորի կամ պատասխանողի կողմում մինչև դատաքննության ավարտը, իսկ սույն օրենսգրքի 41-րդ և 42-րդ գլուխներով նախատեսված կարգով քննվող գործերով՝ մինչև

կողմերից մեկի հանդեպ նրանց ունեցած իրավունքների կամ պարտականությունների վրա կամ կարող է հանգեցնել նման իրավունքների և պարտականությունների ծագմանը:

Նույն հոդվածի 2-րդ մասի համաձայն՝ վեճի առարկայի նկատմամբ ինքնուրույն պահանջներ չներկայացնող երրորդ անձինք կարող են ներգրավվել գործին իրենց միջնորդության հիման վրա:

Օրենսգրքի 38 հոդվածի 5-րդ մասի համաձայն վեճի առարկայի նկատմամբ ինքնուրույն պահանջներ չներկայացնող երրորդ անձին գործին ներգրավելու կամ ներգրավելու դիմումը մերժելու մասին առաջին ատյանի դատարանը կայացնում է որոշում՝ առանձին դատական ակտի ձևով:

Տվյալ դեպքում, քանի որ քաղաքացիական գործով վեճի առարկան ներառում է նաև ընկերություններում մասնակցության բռնագանձման պահանջ, ուստի Դատարանը գտնում է, որ թիվ ՀԿԴ/0018/02/22 քաղաքացիական գործով «Սելենա» ՍՊԸ-ին, «Մերիման» ՍՊԸ-ին, «Էմ Կա Էդվերթայզինգ» ՍՊԸ-ին, «Էմ Կա Փրոփերթիզ» ՍՊԸ-ին, «Էմջիվի Գրուպ» ՍՊԸ-ին, «ԷմջիԷմ Գրուպ» ՍՊԸ-ին, «Հայաստանի էքսպորտի կենտրոն» ՓԲԸ-ին պատասխանողի կողմում որպես վեճի առարկայի նկատմամբ ինքնուրույն պահանջ չներկայացնող երրորդ անձ ներգրավելու մասին հիմնավոր է և ենթակա է բավարարման, քանի որ գործով հնարավոր վճիռը կարող է ազդել վերջիններիս իրավունքների կամ պարտականությունների վրա:

Ելնելով վերոգրյալից և ղեկավարվելով ՀՀ քաղաքացիական դատավարության օրենսգրքի 38,199-200-րդ հոդվածներով.

Ո Ր Ո Շ Ե Ց Ի

Հայցվորի, ««ԷմջիԷՄ Գրուպ» ՍՊԸ-ի տնօրեն Տ.Պետրոսյանի, «Հայաստանի էքսպորտի կենտրոն» ՓԲԸ-ի տնօրեն Ռ.Մալխասյանցի ներկայացրած միջնորդությունները բավարարել:

Թիվ ՀԿԴ/0018/02/22 քաղաքացիական գործով պատասխանողի կողմում, որպես վեճի առարկայի նկատմամբ ինքնուրույն պահանջներ չներկայացնող երրորդ անձ ներգրավել՝

1. «Սելենա» ՍՊԸ-ին (ՀՎՀՀ՝ 00040715),
2. «Մերիման» ՍՊԸ-ին (ՀՎՀՀ՝ 00059489),
3. «Էմ Կա Էդվերթայզինգ» ՍՊԸ-ին (ՀՎՀՀ՝ 02245759),
4. «Էմ Կա Փրոփերթիզ» ՍՊԸ-ին (ՀՎՀՀ՝ 02245767),
5. «Էմջիվի Գրուպ» ՍՊԸ-ին (ՀՎՀՀ՝ 01269695)
6. «ԷմջիԷմ Գրուպ» ՍՊԸ-ին (ՀՎՀՀ՝ 00145404),
7. «Հայաստանի էքսպորտի կենտրոն» ՓԲԸ-ին (ՀՎՀՀ՝ 02813073):

Թիվ ՀԿԴ/0018/02/22 քաղաքացիական գործով նշանակել ևս մեկ նախնական դատական նիստ 2024 թվականի ապրիլի 08-ին ժամը 10:00-ին՝ ՀՀ հակակոռուպցիոն դատարանի Երևանի նստավայրի թիվ 8 դատական նիստերի դալիճում (հասցե՝ ք.Երևան, Թբիլիսյան խճուղի 3/9):

Որոշումն ուժի մեջ է կայացման պահից և ենթակա չէ բողոքարկման:

ԴԱՏԱՎՈՐ



Կ. ԲԱԴԱԼՅԱՆ